

EPISTOLA ENCYCLICA

ILLUSTRISSIMI ARCHIEPISCOPI

ULTRAJECTENSIS,

NOMINE CLERI BATAVI,

A D

Ill. Archiepiscopos & Episcopos, &c.

Ecclesiæ Catholicæ.

ILLUSTRISSE ECCLESIE PRINCEPS;



OTA esse arbitramur Caritati tuæ ACTA ET DECRETA Synodi Cleri Romano-Catholici Provincia *Ultrajectensis* celebratæ anno M. DCC.

LXIII. anno sequenti publicam in lucem typis edita.

Hinc idem Clerus mittendam Tibi decrevit & subjiciendam æquitatis tuæ iudicio Epistolam, quam pro tuendâ hujus Synodi auctoritate, juribusque Ecclesiæ Batavæ vindicandis, scripsimus in ultimo Coetu nostro mensis Octobris proximè elapsi ad Sanctissimum Dominum Nostrum Clementem Papam XIII. Quæ quânam occasione & quâ mente scripta sit, præsentibus Tibi Litteris breviter aperiri res ipsa postulat.

I. Et quidem si ante hos annos, Præsul Illustrissime, rerum nostrarum aliquid ad aures tuas pervenerat, haud ignoras gravissimam nobis ab initio hujus seculi cum Curia Romanâ controversiam esse, imò potius moveri contrâ nos à notissimis Ecclesiæ nostræ adversariis apud Curiam existentibus.

Summa autem hujus controversiæ in eo sita est, quòd variis Decretis Romæ contrâ nos subreptis, jurisdictionem omnem ordinariam nobis abrogare, aut apud nos extinguere modis omnibus tentave-

runt; ut liberius (a) *dominantes in Clericis*; totam sibi auctoritatem in gregem nobis commissum usurparent.

Cùm verò in juribus nostris tuendis, prout postulabat officii nostri ratio, invictos nos semper præbuerimus, inde palam pro schismaticis ac etiam hæreticis, pro suo calumniandi more, nos traducere ausi sunt.

Porro de doctrinâ nostrâ quidquid illi ab integro propè sæculo calumniantur, satis superque refutatum est multoties. Et à nobis jam nemo negabit abundè satisfactum in hoc capite; cùm nullus in documentis nostris error vel levissimus argui potuerit unquam, nec aliquid sentire nos contigerit aut docere quod omnibus melioris notæ Catholicis commune non sit. Id sæpè aliàs palam factum est orbi Christiano; tùm præsertim per evulgata noviter ACTA ET DECRETA Synodi nostræ supradictæ. Fidem nostram quæ apertissimè in his exponitur super omnibus ferè Religionis articulis, & illis maxime qui ad communionis Catholicæ vinculum pertinere noscuntur, non irreprehensibilem modò, sed per omnia laudabilem repertam fuisse nobis undique nuntiatum est, Specialiter id testatæ & gratulatæ sunt innumeræ ad nos ex omnibus Ecclesiæ partibus transmissæ litteræ à vi-

(a) 1. Petr. V. 21

ris Theologis scientiâ & pietate aut etiâ dignitate Ecclesiastica conspicuis. Quin i nō certissimâ viâ nobis innotuit, ipsum Summum Pontificem, qui hodie Ecclesiæ Catholicæ præsidet, & ad quem primum ante omnes ex recepto more DECRETA illa nostra & *Expositionem doctrinæ* transmissimus, statim ea valdè bona iudicasse.

Cum igitur ex ultroneâ hâc Ecclesiæ consensione fideique nobiscum communione, futurum brevi tribulationibus nostris levamen aut finem sperare fas esset; toti eramus in agendis omnipotenti Deo gratiis, qui (a) *post tempestatem tranquillum facit, & post lacrymationem & fletum exultationem infundit.*

At ecce tetrerrima in nos indefessi adversarii nostri moliebantur consilia, ut illa etiam *Acta Decretaque* in irritum, si fieri posset, deducerent, sibi nimirum infensissima, ob censuras multiplices quibus tot falsa eorum documenta configere in hâc ipsâ Synodo, pro salute gregis nostri, plurimorum & Præsulum & Summorum etiam Pontificum exemplo, necesse habuimus. Extorserunt illi tandem à Romanæ Curie Officialibus, post octodecim mensium machinationes, perque fraudum & artium omnis generis pertinaciam importunam, Decretum quoddam nomine Summi Pontificis publicatum die 30. Aprilis M. DCC. LXV. sub insolito DECLARATIONIS titulo: per quod nempe prædicta Synodus nulla declaratur & illegitima, quin & *Pseudo-synodi* appellatione infamatur, quasi ab iis qui extra Ecclesiam collecti fuerint celebrata sine legitimâ iurisdictione atque auctoritate; ACTA ejus rescinduntur, reprobantur ut *schismatica*; fidelibus omnibus & singulis injungitur, ne rata iha habere ullo modo aut probare audeant; LIBER denique quo *evulgata fuerunt* damnatur ac prohibetur, interdictâ ipsius lectione *sub penâ excommunicationis incurrendâ ipso factò.*

Intelligis quid sibi hac velint, Præsuli Illustrissime. Conspiciunt tandem, vel in illis, adversarii nostri, frustra se hodie

oblatururos contrâ fidem doctrinamque Cleri Ultrajectensis, vulgatam omnibus e Synodo nostrâ, & omnibus probatissimam. Quamvis enim in aliis quibusdam Decretis (Româ ipsis nimium credulâ) fidem nostram in suspitionem adducere olim tantaverint, in hâc ultimâ tamen Declaratione adversus Concilium Ultrajectinum, quod maximâ ex parte circâ doctrinam versatur, de doctrinâ ne verbum quidem effutire ausi sunt. Ipsam ergo Synodum ejusque *Acta & Decreta* irritare tentant, ex iurisdictionis atque auctoritatis defectu, dum in DECLARATIONE istâ, unicè clamitant nos esse eos homines (Ecclesiæ videlicet Batavæ Episcopos Romano-Catholicos) qui jâmdudum *Apostolicis Decretis* majoris excommunicationis mucrone segregati sunt à Catholicâ Ecclesiâ, quos etiam schismaticos vitandos novit eadem Ecclesia declaratos fuisse, & ab omnibus Episcopalis iurisdictionis & dignitatis muneribus interdictos: qui proinde nec Synodum ullam cogere, nec apud suos quidquam de fide, de moribus, de disciplinâ tanquam *judices in Ecclesiâ statuere* ac decernere potuerint.

II. Disseminatâ per Christianum orbem DECLARATIONE hujusmodi Sanctissimi Patris nostri Clementis Papæ XIII. nomen augustissimum auctoritatemque præferente; illicò sensus hoc velut ultimum ab adversariis desperatis injectum nobis telum esse, ad convellenda penitus Ecclesiæ nostræ statum & jura ac existentiam ipsam. Quippè quæ si non alios Episcopos duces habeat quàm *Schismaticos, excommunicatos, interdictos*, quasi truncus sine capite jaceat, communi cæterarum Ecclesiarum jure nudata prorsus, atque omni iurisdictionis ordinariæ Pastorumque legitimorum auxilio & virtute destituta. Neque hoc tantum, Illustrissime Præsul: verum hanc unicâ de causâ (quis credat unquam?) & *Schismatici* illi dicuntur & *excommunicati* & munere suo *interdicti*, quia ab ipsâ Ecclesiâ suâ sunt electi juxta morem Ecclesiæ totius antiquissimum, juxta Con-

Ordinata etiam Germanica, sub quibus Ultrajectensis Ecclesia speciatim comprehenditur, ut expresse declarat Summus Pontifex Sixtus P. IV. Constitutione 13. Julii 1472 (a).

Id sibi jam pridem voluere illi nostri pristini hostes, totam Ecclesiam Batavam funditus esse collapsam; in qua nullus ante annos centum Clerus proprius, nullum Capitulum, nulli Pastores ordinarii, nulla jura Ecclesiastica supersessent. At quidquid ab illis hucusque tentatum fuerat ad hanc Ecclesiam nostram subversionem adstruendam, id per occultas duntaxat molitiones obtinere conabantur, & per Epistolas quasdam aut furtiva *Brevia* velut nomine Summi Pontificis directâ ad Belgii *federati Catholicos*; neque extra nostras conterminas-ve Belgii Provincias quidquam eâ de re edici aut vulgari contingerat. Nunc verò illud idem publicè sanciri craverunt ac definiri DECLARATIONE in Pontificiæ Constitutionis modum ad *perpetuam rei memoriam* conceptâ, & Romæ solemniter affixâ publicatâque, & per varias orbis Catholicis partes, si non promulgatâ legitime, attamen utcumque quantum in ipsis fuit divulgatâ: Sic ubique proponendam volunt, & quasi ex oraculo Apostolicæ Sedis amplectendam generaliter falsissimam, quam ipsi sinxerunt, Ecclesiæ Batavæ imaginem: nec solum ut pro nullâ habeatur atque subversâ, sed etiam pro alienâ atque *schismaticâ*, cum quâ *communione* ullam habere vetitum sit ore Apostolico fidelibus omnibus, utpotè quæ ipsâ per Pastores suos nullam cum *Catholicâ Ecclesiâ* *communione* habeat, ipsique adhaerendo numquam habere possit. Hinc & in eadem illâ DECLARATIONE quot verba continentur, totidem sunt acerbissimæ in nos convicia.

Coëgit nos itaque rei atrocitas, Illustrissime Præsul, ad patefaciendam etiam Ecclesiis omnibus, eorumque Prælati potissimum, causæ nostræ iustissimæ defensionem. Et adversus DECLARATIONEM istam (si credere fas sit Pontificiam),

tam nosmet ipsos quàm Ecclesiæ Batavæ jura eò fortius tueri necessarium visum est, quò periculosius erat, ne tanto nomine suffultæ tot ac tam graves calumniæ fidem incautis facerent.

Salvâ ergo per omnia quæ Sanctitati suæ reverentia debetur, consultandum fuit quidquid injuriosè confictum in illâ DECLARATIONE contra Synodum nostram *Atque* illius & *Librum* quo evulgata fuerunt. Aperiendum imprimis, expositâ fideliter Actorum ipsorum substantiâ totâ, quale dedecus inuri voluerint adversarii nostri Sedi Apostolicæ per attentatam ejus nomine Actorum illorum rescissionem, quantum sanæ doctrinæ ferè universæ detrimentum, quàm anceps in fide Christianâ Catholicis omnibus periculum, quale Aatholicis inter quos versamur ludibrium, quanta proinde Summo Pontifici subreptio facta fuerit, & quâ turpiter ipsi illuserint qui hujusmodi Decretum aut à Sanctissimo Patre extorserunt, aut quasi ab eo profectum vulgare non erubescunt. Indè verò, cum ex solo *jurisdictionis atque auctoritatis defectu*, vim omnem & robur eorum omnium quæ in Synodo nostrâ acta & decreta sunt, elidere tentaverint DECLARATIONIS fabricatores, protinus hic demonstrandum incubuit, subjectâ ex monumentis ad controversias nostras pertinentibus brevissimâ narratione factorum, Ecclesiam Batavam nequaquam exauctoratis Pastoribus inermem omni Ecclesiasticâ jurisdictione destitui, sed solida Ecclesiarum omnium jura salva semper & integra in ipsâ permanisse; falsò ac temerè nosmetipsos tanquam notâ *Schismatis* inustos & censuram fulmine percussos argui coram orbe Catholico, &c. Et hanc sanè favissimam accusationem tantò longitius à nobis arcentiam duximus, quòd & facta ipsâ testentur, & jura omnia divina humanaque conclament cùilibet vel minimùm attendenti, nos neque *schismaticos* unquam fuisse, qui nunquam à Cathedrâ Petri nec ab ullius Catholicis *communione* recessimus, neque ullo jure *excommunicatos* aut inter-

(a) Vide hanc Bullam in *Defensione Ecclesiæ Ultrajectinæ*. Monum. V. p. 271.

dictos, in quos nempe nulla unquam sententia, nullum Decretum ex juris ordine prolatum fuerit; sed nec ullum proferri potuisse, cum nullum delictum admiserimus, sed *in omnibus* à primâ controversiârum origine usque nunc (a) *exhibuerimus nos incontaminatos esse negotio*, & irreprehensibiles (b) *coram Domino & coram Christo ejus Summo Pontifice*. Ex quorum omnium discussione facili & candidâ expositione evidens fiat, tetra illa horridaque imaginum figmenta, quibus tam nostra quàm Ecclesiâ nostrâ facies larvata deformatur, in totum discrepare à vero, nec sibi usquàm consistere, nisi in adversariorum (qui camarinam hanc ab annis plusquàm sexaginta nobis moverunt, & ferocius hodie exacerbare satagunt) mendaciis & fraudibus & calumniis, consiliisque perditissimis.

Collectis porro in hoc opus verè ingentis momenti lucubrationibus nostris, monuit nos ipsa reverentia Pontificii nominis, quo tam indignè abusi sunt adversarii nostri in DECLARATIONE novissimè evulgatâ, totam hanc apologiâ nostrâ veluti summam sub Epistolâ formâ dirigere ad ipsum Summum Pontificem. Filios ingenuos, si quando illis injustè iratus est pater, non alibi magis decet quàm in ipso parentis sinu querelas suas deponere.

III. Ipse videas & judices; Illustrissime me Præsul. Incredibilia ferè sunt, at verissima, quæcumque oculis tuis subjiciuntur. Nec alienum à te reputes quidquam eorum quæ ad causam nostram pertinent. Jura omnium Ecclesiarum impetuntur in Ecclesiâ Batava, honor Episcopalis profigitur in personâ nostrâ. Quid multis? Unitati (c) *Corporis Christi* consociamur: Ecclesiâ Dei in quâ Te (d) *Spiritus Sanctus posuit Episcopum*, & nos pars sumus, nec sanè contemnenda, cum Provincia nostra maxima sit. Omnium autem Ecclesiarum interest, ne (e) *Ecclesia Catholica aliquâ corporis sui portione vastetur*, ne grex Dominicus detrimentum sustineat, ne de familiâ Christi damno inimicus exultet.

Ergò, (f) *si quid potes adjuva nos*, Præsul Illustrissime. Et (g) *si qua consolatio in Christo*, si qua societas spiritûs, si qua viscera miserationis, imple gaudium nostrum: atque nosmet ipsos (indignos quamvis) Collegas tuos, & Ecclesiâ Batavæ res afflicta, apud Deum omnipotentem, apud Ecclesiâ universam, apud Pontificem Summum auxilio subleva benignus opportuno.

Id expectamus, id à Te speramus; id totius Ecclesiâ Batavæ nomine suppliciter obsecrat Christi conservus, & Magnitudinis ac Gratiæ Tuæ,

Illustrissime Ecclesiæ Princeps,

Addictissimus & Obsequentissimus Famulus:

† PETRUS JOANNES MEINDARTS;

Archiep. Ultraject.

De Mandato Cleri Batavi

N. VAN MAEREN Secret:

(a) 11. Cor. VII. 11. (b) 1. Reg. XII. 3. (c) Ephes. IV. 12. (d) Agor. XX. 28.
(e) Missale Paris. orat. in Cana Domini. (f) Marc. IX. 21. (g) Philip. II. 1. 2.

